

四庫全書

集部

欽定四庫全書

集部
蛟螭集卷四

詳校官中書臣涂日煥

侍讀臣孫球覆勘

總校官進士臣繆琪

校對官典簿臣郭祚熾

騰錄監生臣胡騰蛟

欽定四庫全書

蟻蒙集卷四

明 盧柟 撰

四言古詩

懲咎詩并啟一首上大名張太守鄆西吳吏部

少槐李翰林東崗

柟頓首啟拘幽五載三靈未墜兩稚繼死宗祧有絕食之憂日夜悲號煩瀟湮鬱播爲不仁啟偏枯之漸蓋志

塞則神瞽氣秘則形緩可以宣酥神氣滌蕩邪穢遭遁
世而無悶者取要厚音聲焉是故言之不足則發之以
詠嘆詠嘆之不足則殫之以詩賦然楚恭寤言隆以美
謚子服補過濟爲上大夫古之君子過如日月之食更
也人皆仰之詩賦之作宜莫近於自訟也已邇昔枏引
見御史臺時諸公神明察枏冤誣力挽之不出夫並物
茂育者天地之化也燭微垂光者日月之明也矜愚魚
養者慈父之仁也潤物無跡者元老之器也聖澤汪濊

時雨濯沃枯槁之民蒙被滋潤勵結草之思懷刻骨之
銘晝夜寢食一夕匪懈第以天網難於頓解人心可以
道固沉緬垢顏追思罪戾蹠足嶮巖游志坦夷文之禮
樂以從事厚春秋大改過之義望風承顏馳精羽麾傾
聽鐘鼓刀鋸之警歟若遺失作懲咎詩一首走獻下里
淫哇無足採擇祇攄下情云爾栴不勝悚懼頓首頓首
其詩曰

於皇明祖歷數在躬龍翔淮甸鳳時金陵哲后繼啟寔

爲太宗滌宇沙漠定鼎北平鳥肇跡篤生我皇文思
欽明武烈威揚九壤流化八葉載光越裔軼周方軌於
唐赫赫明聖鑒臨下土閱茲藩魏在漳之潞政狎民逸
不克時叙咨汝宰臣孰寧予處天官曰都張公臣隣懿
思淵塞邁德種勲三揖緇衣五馬白屑錫汝淮陽以優
王賓曰若李公維帝喉舌逆鱗補袞持稷糾契執憲匪
回萬夫之特投章出郊藩此南國曰維吳公環拱紫微
縣衡泰垣曳履龍墀三台中拆駭慄天維懷玦之屏絕

景超輝象服有韓式譙嘉會劔履雲行徽章霧麗丹霞
扶軒流飈承珮相協天人調和鼎鼐振舉頽綱綜釐羣
紀肅肅公徒峩峩俊士有懷克綏無頗不圯神人胥悅
黃耆稱美繫余小子髫髻載年園彼橋門執經陳虔虞
磬玉鬯琴瑟洞絃官師倣甚我弼我愆嗟余小子般樂
肆射禽色交荒曾匪日夜日居月諸忽焉代謝長老有
言固而弗化履霜堅冰積雪維霰福始禍基致毀匪嫚
臧獲跋扈監牛之漸駕言鉏挺構茲竒怨誰其爲梗職

此厲階行人牽牛邑人之菑匪曰狡狂孰爲斯媒沉思
竄圉遐不愴懷蹇蹇王臣侯來於京雲馳四表雷動八
紘霜飛天鉞秋冠烈纓如追放豚寘余典刑羣公窮燭
察我冤隱灑以甘露潤此槁軫爍爍燎原撲滅可近三
宥弗張六極迭敷狂狷勿密纏牽永殛卧無曲肱行有
顛踣日星安施違此昏墨維紕之儼與余偃息大夜何
長佇視虛照魑魅傲俛既嘖亦笑招之不來迤邐入廟
非予作孽斯焉取造瞻彼衛渙有蘋有蘩祁祁士女大

珮瓊璠以嬉以游俯仰如神豈不爾懷畏此棘垣麋鹿
榛榛虎豹伾伾號走曠野醬肉茹麋夫我無食不如爾
怡欲往同羣騶虞在遠伊禽之介黃鵠其羽千里一息
不遑寧處蕩蕩玄霄儔克與伍有泚厚顏莫不能舉噉
噉鴻鴈啖啖江湘弋人何篡實汝瑤觴汝之匪覲亦自
云亡罪豈落盧俾我悲傷何我人斯不如獄草晨光朝
晞零露夜灑草之油油孤秀斯寶嗟予小子胡不自好
嚴父辭堂慈母去闈二靈並暴風雨中摧圜幽五稔誰

掩葛藟心膺慘傷髮膚當垂兩稚失怙咨命不永厥緒
斬縲誰繼余統馬牛風埏牧豎登隴萬歲千秋涕下如
縷妻孥牽裙將柰若何我有嚴刑遑恤其它生當來歸
死當長嗟茲其余辜怨豈在遐諤諤三公奕世夔龍投
分紹運駢翊帝衷力侔造化志與神通何惜覆盆照此
微躬蠢爾黠虜窺我華闕願投有界親冒矢石搴旗瀚
海奮劒沙磧雷轂鴈門電掃張掖捐軀國難解頤龍鱗
血化爲碧膏塗鉄斤薄劣既弛少謝陶鈞死雖一轍肝

膽殊分天未悔禍憂心煩勞懷賢如渴德音式昭夢寐
赤鳥仰止嵩高王澤弗竭鑒我時髦

雜興五首

輕車載脂良馬且閑于盤于游游覽山川綠蘿高林鳥
鳴闐闐神逸志悅踞石飲泉劃然長嘯鳴谷振煙青雲
何意翱翔我前欲擘以登倏然上天整巾頓纓薄暮言
還

巍巍蒼山湯湯洪河鳥集于林魚游于波飛潛攸揚物

謂爾何遵彼脩陵顧景高歌手弄暘熙神渝天和日月
迅邁胡爲蹉跎

采采石華薄言江沚婉美者誰中洲之士目余有成惠
若桃李遺我九垓倏忽千里澹然遐思俱茲流駛

揭旌蘅阪弭蓋崑丘礪齒石林洗耳滄洲仰矚歸雲俯
鑑川流從彼物化操我虛舟冥心大壑超然神游是謂
維何列子好仇

月生蘭圃雲流華軒微風扇閨曲池有瀾旨酒既清嘉

殺且瞻爰御琴瑟一鼓再彈申此徽音懷我所歡永言
莫晤云何吁嘆

五言古詩

叙隱五首

仙槎隔溟渤天漢嗟無梁桂樹含丹葩瑶草限年芳我
生無羽翰翻飛不能翔攬衣步宵月撫劍臨秋霜欲問
嚴君平此事何渺茫

伯陽柱下史曼倩金馬門大隱在朝市何勞避世喧和

壁與隋珠慢藏盜斯存投售一失所按劍足已捐徒爲
惻丹心悲來胡能言

鳳鳴千仞崗苞綠麗天雲高士有竒姿光華揚紫氛蘭
蕙樹百畹琅玕植千尋託跡在巖阿悲嘯有餘音歌終
忽不見杖策爲鄧林

逸翮奮霄漢高步躡天關褰衣在椒塗長風吹海濶瓊
樹繫游鑣瑤華代朝飡恣情戲靈景靜嘯諧鳴鸞浮世
信淆濁焉能濡余翰

幽人何髣髴乘化游丹谿雲裾佩瓊璫
弄綠蘿烟蹤跼紫霞輝薄言佇山椒
璨齒修羽儀高舉
謝塵寰長揖答夷齊

雜詩七首

迴陰翳朝日薄寒履微霜綠池潛游鱗飛鳥歸林翔
北風吹蕙帷馨香發我堂攬衣下堦除屣履獨徬徨
豈無芳草思欲寄愁春陽憂來人莫知悲憤結衷腸
山韞玉含輝川沉珠媚光所願崇明德別離何足傷

皎皎明月光照見東大樓天風吹綺疏櫺軒一何幽上
有憂思婦顏顏懷良儔中夜鬱長嘆悲嘯含清秋借問
怨阿誰不語彈箏篴清商激中曲音響何淒湫大絃回
陽春小絃咽泉流精誠逾金石烈思揚清謳蟋蟀鳴金
閨霜霰披梧楸日月迅推轂鉛華安久留願爲梁間塵
隨風入君幃

丘中有隱士枯槁不可識渴飲潁川流饑餐首陽栢
荔爲衣裳蘭湯沐芳幘鹿麋戲左右猿狖相牽縲朝引

洪崖公暮延浮丘伯揚袂涉中洲落英蕩桂楫我願從
之游飄忽眇無跡佇望立澧浦颼風起我側攬轡回故
鄉白日忽西匿感彼空冥鴻翻飛振六翮

谿谷饒永霜幽澤多芳草朝煙滋綠輝夕露發青藻芬
香披原塗弱葉亦俊好佳人殊未來繁華易枯槁悲哉
君子心綿綿在遠道歲寒見松柏可以喻終老

高樓有佳婦窈窕青雲端左蔭綠桂枝右紉芳澤蘭臨
流戲珠浦拾翠游芝田蛾眉衆所妬時俗尚無鹽捐棄

蓬蒿中誰來希令顏徘徊歲云暮拂衣聊長嘆

驅車泰山阿梁父何崔嵬狹路阻且難車輪不能迴磊
落百丈巖空冥千仞谿悲風從中來樹木鬱森竒鵲
號我前熊羆舐路垂四顧絕人煙零露霑裳衣遠行多
艱軻傷哉心獨違回思駕方舟川廣帆檣危徘徊在中
途執勒思沉迷僕夫疲以痛我馬復虺隤日暮隴阪長
行行將安歸始知阮步兵痛哭各有爲

征夫嚴夙駕負羽即長衢天山白霧滿瀚海愁雲紆日

暮向何處疆藩爲我虞前年雲中擾主帥涕漣而敵騎
從北來鳴笳間旂旂今年遼陽鴛干城失邊隅桀驁我
皇使髡奴縲長組險阻掣重關氣蓋連東夷欲揮天馬
撾指顧定邊陲惜無晨風翼阻此風雲期奮身臨飛觀
遐覘還四區長城袤萬里上與浮鼓齊耳虛聽刁斗目
竭迴旌旗安得楚雄劍揚鏑震天威塞門背捲甲沙郡
面渠魁緝安兩鄙民扶持四海危掃清黃池塵放馬華
山歸喪元在溝壑馬革裹屍回

贈盧潭城二首

六龍推飈輪四運無停軌日暮薄虞淵月朧昇玉壘飛
螢流雕甍微禽變玄海寒露被陵苕繁霜瘁江蒞缺隙
馳白駒人命易頽改赤松既渺茫安期亦誕晦苟非青
雲身焉能施後代鳳鳴振綺輝龍飛薄霧靄步趾須芳
林揚聲欲珍彩豈維工雕蟲立心貴鼎鼐君懷璠璣姿
輝光茂真宰勗哉勤令圖雲衢會相待

涼風越秋海吹我東階樹柔條歇芳輝密葉垂豐露玉

殿鑒凝霜金閨疊紉素念子居無衣薄寒隱天霧芟荷
凌晨宵雨雪恨遲暮嚴黍沐晚澤青松挺陰沍尚父釣
河濱寧戚飯牛寤天造時康屯雄發霈霖雨貞觀詩書
場毋爲悲世迂我希吳延陵寶劍非所顧敦義篤情親
千里共竒步

奉和王大伾侍御賦雞冠花有命輒和一首

東方有神鳥高棲紫霞山赤雲生羽儀列缺飛雙翰據
身蟠桃枝長鳴開天闕青都閃玉樞白日照幽玄帝怒

振威譴摧落頭上冠墮地餘仙姿化爲百花觀繁曲何
逶迤茂彩亦螭蛭峭葉滋碧輝墨栗含珠丹軒發若揚
音蹙撲迅衝欄窈窕信幽遐翩翩誠足謹歲暮歷凜秋
霜華浣其顏愧與卉草伍豈惟松柏堅金谷乞嘉靈梅
庭薦高賢左右娛樂意圖書生清妍無爲長毛質飛去
終難攀

贈道士

雲靜玉虛敞霞明金闕深鬱羅棲祥煙中有長生人饑

餐瓊玉英渴飲華池津不笑亦不言綽約含天真爲問
此阿誰渾沌即與隣元始覲幽光鴻蒙揖清氛暝坐合
運會揚眉脩千春寄言下世士尋茲入無垠

太子洗馬童公內方扈蹕謁陵有命輒作

春日曜陽景榮華何郁郁崢嶸繁卉菲葳蕤紫薇簇禁
光信清遐蘭寮親直宿我君感雨露裡薦信非瀆龍章
翔玉璽鳳儀戒黃屋流雲滿靈旂焱風夾飛轂鳴鑾發
春渚迴旌陟山麓白日麗蘭皋晨光清蒹隩極目眺神

京祥煙紛四竈皇心亦陽澤七陵發秀毓人神愜歡情
海嶽拱清穆聖孝燧重光薰蒸浹九服豈云藐姑射盤
游餌羞惡微臣諒薄劣揄揚慙尺牘願陳駑馬姿清飈
侍坤軸

孟龍川許送芸香不至走索魚以詩寄

管鮑古名士聲譽何輝燭夙期貴相親感激良有託我
亦慷慨人卜居耻離索岵嶢望龍川颯沓煙霧廓之子
住翠微影響見洵約作賦凌清霄愛飲臨大壑翕張龍

鳳姿偃仰猿猱躡東園吟嘯臺幌如青天落憑覽望八
極寰宇真空擴仰殫明玉霞俯拾金光藥調嘯宛孫登
清風振山閣攬懷腐草質潛身在葦藿深夜撫長劒江
海環其鏐安得說楚王一揮萬人爍功成長揖去與君
尋溟漠暝坐焚芸香高名辭衛霍回看九關門湫隘如
大索勗哉重然喏毋與世相攬

王大任草堂五首

并序

嘉靖己亥歲王大任侍御築城南草堂成朱明既

麗時雨方歇兩山擁翠雙岸迴繞高臺騰吹以承
雲木客唱舞而赴節賓客搏坐羅衣從列非有琦
瓌之詞曷申厥美因著詩五首

三五已淪替霸王氣不全末流信頽奔至道中復難賢
哲叅時中奮志摩羽翰棲身柱下史託興擬周眇道違
身即殉棄世復來旋

來旋自廣庭希世濯塵纓草玄合太始茗飲通神靈物
化在握紀周章游無窮漢儀委翳草魏闕寄鴻冥心閒

理自得志澹物俱輕

物輕亦徜徉塵廓非我鄉
誅茅遠城市結廬近山陽
前沼含雲澤後臺凌穹蒼
萋萋礪谿草春秋生輝光
日暮會佳賓嘉樂陳中堂

中堂嘉樂陳紛華羅錦茵
已僮激清徵越女流商音
一奏驚回飈再奏生陽春
中人莫云悟歌者徒勞心
所以重考槃永懷嘉樹林

嘉樹清且圓蔭彼城南田
層枝棲孤鳳奕葉鳴寒蟬
幽

人懷澹泊日夕獨磐桓桃李雖容艷早落春風前何如
主人樹茂育長千年

繫獄敬呈王大伾侍御李復齊工部丈六十韻
乾坤日慘淡蚩尤薄雲際哲后振淮海應期拯頽世金
陵王氣鍾石頭雲影麗風牧效威靈夔龍掃氛翳奕葉
三百年皇風紹帝系天子坐明堂南面稱王制冕旒垂
天光玉劔通霄霽太微廓纖塵萬里見毛毳元默籍儒
術恢宏資聖獻宣室訪鬼神茂陵求俊藝大伾起伏龍

南溟恣濟濟行空作霖雨少答聖明惠晨趨紫微垣暮
拽青雲履抗劾無中閹糾彈懾威第上方斬馬劍入目
決雙背清戎大梁郊按轡于越汭聳身一鷺鳥霄漢獨
凌厲迴登黃鶴樓笑謁蒼梧帝赫赫江湖間高風捷虹
霓東家李北海倜儻執英袂仙宦浮江湘芳聲播燕薊
詔爲滄水使寬此漕會計疏鑿九河空導流百川細三
吳十萬艘朝宗轉迢遞雍絳各一時泛舟同康濟至尊
假顏色徵入承明砌御屏疏姓名金馬晚留憩紫宸揚

清氛飄颻偕蘭蕙讒疑動明主懷袂各長逝悵念平子
詩頻流賈生涕懷沙一傷心採蘋聊卒歲僕本澹蕩人
林壑憐松桂嘯棲巖岫間疾與煙霞誓仰窺雲漢章自
覺衆星曙不羞鄰女顰竊效西施婉招隱小山椒聞經
泗水滙侯巴顧何人太玄得深詣揚眉覩青天白日忽
西閉山海東南傾風波無停勢曾參却殺人蒼蠅點錦
幣改服南冠囚越吟從逮繫淳于當嚴別緹縈香難繼
痛哭父母樞那憐兒女斃一門如枯蓬超忽無根蒂蹇

予何述邐邐此鯨鯢驚鳳掩雲羅騏驥苦淹滯豈不
思天衢誰能徹蒙蔽發矢石飲羽揮戈日反芟精神苟
不滅天網終見貫用茲曠達心優游在塗泥閱書窮九
闕灑墨橫岱嶧衡嶽疲夢想瀟湘見瀆渙有時仙人來
攜我游荒裔倒景不可攀倏然墜煙翳復爾清濁中詎
能聞鶴唳慨彼魯連子調笑寡儔儷能解聊城紛永鼓
滄浪杳何辭涉中洲褰衣救淪替輾轉不得親徒爲眺
睥睨憂來復何言書向南山筆

贈胡公入覲

天王大一統四海皆朝宗胡公躡仙飈籍政聞九重鏘
鏘青瑣墀翦翦雲從龍才力當代見儒雅深彌縫螭頭
玉皇案落花何濛濛近時三輔賢獎擢此登庸願君勤
明德早晚薦璧琮

贈故大同府節判魏張公祝入祠七十韻

魏博富才數儲英斷幽顯金璞無留精虎豹澄視眴文
章兩漢際墨跡蒼頡篆多賢信足徵特秀殊異譔張公

真人弱冠負婉孌鳳毛何翩翩孤嘯絕嵒嶂矯然雲
空翮似共扶搖搏遠器詎可識棲栖徂蒼畎腹存五經
笥身與六藝卷叔孫禮猶尊毛公詩放行桃李垂映春
蕪穢屢摧揃庭草有餘姿園葵復開展李膺縣龍門侯
巴激繩勉有母老且貧負米不憚緬北堂或寢憂視食
臉必泫夜坐寧解衣晨興忘孱懦仲由晚升堂曾參力
親劬豈不懷曠逸所媿斯道舛操觚赴風簷論議浮雲
捲天地豈毫末萬物皆裼黽揮霍斷鵠翎絡繹如甕蘭

九河一奔決筆力與深淺賈誼魁大庭鄰生逼衆選春
雨濕荷衣秋風醉華宴領教即同州文旆辭御輦淒其
燕坐羣寂寞公堂鱣盤中長苜蓿衣上生苔蘚整飭文
字宗手足成宿胥乙科連佳士芳聲捷銀匱銓曹籍哲
行聖意親眷繾制可決宸衷時命理東充淮南多賓客
河間討墳典枕中鴻寶書禮經得細聞其王似太宗英
睿天潢演虬鬚多瀟灑虎步遺芳躋設醴延穆生駢羅
出禁嚮謹介控豪俠揮金潔筐簋王賜金字牌旌忠古

所鮮爲擢雲州判饋運百里轉甬道達交河軍聲赫桓
彌落日單于營秋風北馬現漠漠黃沙磧蕭蕭大旗寒
頗似瀟湘賢關中息餘喘武宗踐祚初逆瑾恣驕蹇泰
阿失金柄寶鼎竊玉鉉閹奴事私謁日請太倉廩公氣
時益振邪避禍橫胃按劍雄四視意欲鏟疊嶂奸回沮
顏色諒直非顧遣董卓卒燃臍李斯嘆黃犬乾坤掃氛
翳社稷清沈酒解綬賦歸田衡門適游偃王公枉駕過
俛視若蜺蜺驂駟宜垂耳鸞鶴易摧殄汨沒漳水涯沉

絕廟堂璉鳳雛翔長雲玉樹落蕭瑟佳婿李光祿乘龍
篤嫵婉後代乃賢豪森森盡碧瑱道盛人難忘有司累
交薦縣室列神靈雕楹虛壇墀窈窕映丹青煒煌雜煦
燿春秋恪駿奔陟降立有覲玉貌雖匪殊德音誰能戩
門牆歟分席飽聞弟子善夙期儻相親何必同笑噴哀
贈起悲風遠懷淚若洗長吟薤露篇少謝蒿里餞久稽
尋陽因號泣思徒跣伏枕纏搢拳挺身畏戈戢江海苟
不竭筆削太史編

酬謝逸人四溟三首并序

山東謝榛茂秦嘉靖中以能詩爲趙王客居鄴邸嘗
游跡燕趙梁宋間與余相知辛丑歲余坐誣繫濬
獄則杳然莫知出處近有人自宋中來傳四溟詩
集讀之乃茂秦所爲者中二絕句矜予極寬擬之
禰衡李白之倫夫禰李詩賦縣日月彼雖死斯文
猶存於世若予發跡既隱又罹重法有說如山誰
肯爲予傳哉因作詩三首用答其意若茂秦之得

見與否無容心焉

曹思弄文翰歌詠鄴中詩招游七才子俱好相如詞君
隨鳬鴈圃應教鳳凰池聊拂清霞賞慰茲瓊樹枝胡爲
泛滄海令我長相思

謝客恣霞想揮手絕人羣朝辭北燕里暮宿大梁雲海
月照舞席澄江瀉清瀆遠游憇靈境竒節冠秋雲黃鵠
思煙侶長鳴向夕曛

李白謫仙才禰衡賦鸚鵡緘愁投夜郎掩淚赴黃祖殺

身揚綺芬高名播千古天摧白龍鱗雲斷黃鶴羽感此
遠謝君沉吟望梁父

讀謝明濱明水寺詩慨然有契奉寄二首

謝公躡石壁捫蘿入紫氛逸興滿吳會健筆凌千軍英
風邈誰儔明濱千載羣憩游明水作臭比芝蘭芬海樹
建霞標鷺鷥浮江濱恍然瀟湘思掛此鄒魯雲我夢忽
見之重襲若玄纁長路阻會面作詩識前門媿無雲錦
字持此慰慙慙

吳門發白馬皎如一匹練賢無萬里明焉能坐相見君
懷鸞鳳姿羽毛何翩絢朝游丹水涯夕赴崑崙宴黃鵠
遭雲羅弋人待珍膳三年不蜚鳴冤頸羞絛錠忽聞雲
空音仰首矚流電翻飛無長風結思緬州縣悠悠復何
言長歌淚如霰

重贈李子理

麒麟出魯郊商鉏爲不祥向非孔仲尼何異犬與羊所
以路傍人按劍嘿夜光近時青雲士豈無魯連子氣節

苟不申甘蹈東海死世人聞此言棄之如敝屣投君勿
復道北風吹易水

送華從化省謁還章丘兼呈東魯諸公二首

華大如小阮開罇衛水東金鞭揮夜月玉袖並春風偃
仰青天笑歌吟芳桂叢持余湘水賦留寄與羣公

南山綠桂樹春來發幾枝葳蕤持蒲袖千里寄相思月
落清泉浦風吹沙麓支曷爾加餐飯徘徊別路岐

奉懷謝少谿侍御遷浙江憲副

橫海無凡鯉尺璧價連城孤騫少谿子謁帝登承明長
劍倚猊貍步履躅櫓槍至今霄漢上浮雲掛高名何年
辭魏闕翩翩獨南征五峰雄天壁三江接滄瀛日夕競
秀綵紛輝迓霜旌海嶠擬新作石門尋舊盟戲弄浙江
濤壯觀天地情雖紆金紫貴常濯滄海纓遠宦兼隱逸
而不塵垢嬰聖代無遺豪夔龍皆公卿東山起安石宣
室延賈生爲茲江漢客彈冠及時清我身在羅網想見
昇天行懷賢一嘯歌明月落前楹

贈友人歸別墅

綠楊漫垂舞擺動春風情吏役甘作苦瓜期思田榮尋
溪觀游鱗出谷聽流鶯別有漆園客長歌懷友生

奉寄河東苟侍御小川三首

金陵驄馬發旌麾遠石頭霜風摧鯨鯢明月漾中流軼
蕩六朝賢簞揚崔李舟佳興滿吳雲輝光耿千秋我昔
聞此時交際增百憂欲往一見之天路窮阻修瞻望邈
不及涕泗長河流

孤鳳棲椅桐應龍游重淵神物固有託變化胡能詮爲
是討幽客解組歸山田石徑掃行跡蘿衣拂紫煙目送
羅浮雲手揮龍門絃道腴物固小間居心悠然茫茫下
世士大笑奚足賢

屈原傳宋玉子雲鑄侯巴哲人多啟迪講道臨河涯至
今江漢輝炯炯凌朝霞風期託深恩千載著名家媿非
桃李姿焉能敷青華俄然柳生肘物化終歎斜何由重
升堂大造裁淫哇

秋日寄上晁春陵內翰五首

扈聖陟秘閣整轡游文林揚輝比密玉許身偕兼金神
風駭八維靈雨潤四民濟濟登龍客闐闐耀朱輪承顏
接玄談浩氣如浮雲回視阡陌中涸轍多凡鱗揚鬣鼓
泥滓而與螻蟻隣不惜及雲霧提携入無垠

白門涼氣發蟋蟀鳴庭闌念此感物化中心愴已摧掩
淚歸幽房含情當訴誰微風扇羅幄明月耀雲崖良辰
亮在茲容華難久持佳人隔城闌永嘆徒爾爲

嘉樹何鬱鬱南山桐與梓柯葉苟不强樵爨從茲始天
道良苦艱甲第遺空壘棄置勿復道鉛淚徒瀾瀾一身
當軾軻誰能慕鄉里毒痛結我腹願君察識此

瞻望太行嶺還視長河陰峻節何局促變化孰能尋大
火流坤維繁霜霑衣襟澤潏沉水湄松蘿罷長林號獸
走曠野鷓鴣噉哀吟志士悲凜秋惋嘆傷明神矧茲鞠
幽客悽惻固難任

夙昔游帝京雅志好絃歌師曠調清徵湘靈鼓雲和一

唱再三嘆游魚躍雙波調高和彌寡返駕涉滹沱還顧
望五原殺氣橫嵯峨誓欲掃龍庭長驅出交河壯心忽
不偕白日空蹉跎歸來觸羅網傷哉可柰何

孟龍川自京師旋爲余言秋部李滄溟聞冤慨
然有脫囚之志因作詩四首寄上

滄海何淼茫廓然含太清餘波浸九壤萬象已崢嶸化
機詎可測聊觀天地情乘風徒空言安得越蓬瀛

太華長松樹顛顛伐爲薪東風恨來過枝葉暗知春女

蘿拽碧帶玄鶴窺丹津危顏倚窮石猶恐剝蒼鱗
綠驥驕龍媒嘶雲啗蒼昊誰令服鹽箱西上太行道伯
樂一見之脫鞅恐不早回頭語紫燕報恩期瑤草

晨起坐嘯嘆永懷在簪纓託風將情素吹落鳳凰城聞
鶴感陸機顧影憐穉生願垂清鑑姿持照萬古情

聞張鵠山侍御巡按甘肅比歲當還敬以此寄

上

漢葉奕千載中興氣益振離照撫萬方天狼避紫宸泰

階無纖埃青雲翊縉紳昊穹挺神秀應期誕絕倫翩如
鳳峙嶽矯若龍翔津鐵冠指嚴威白豸行嶙嶙投章失
衛霍抗劾無齊秦犯顏一折檻奮世獨埋輪有時趨螭
頭雙履躡星辰風采動萬乘何言折大臣持斧出王郊
揮策向西巡將帥謁馬首武士騎鯨鱗亭邀菰嶺騎幕
遮輪臺賓羽檄夜交馳旌麾畫紛綸龍庭間白日天塞
生陽春萬古斥鹵地能令風俗淳命駕旋直廬行瞻帝
城闔黃華反使節東山傷我神衣繡簪白筆再覩漢儀

新竊從文翰場氣節凌秋旻許身報明主圖畫驚麒麟
此志邈難嗣傷哉難重陳市虎遂構患曾參乃殺人冤
頸在囹圄日與囚儼親風雲凋壯志哀謝誰當掄明公
立天衢卓然持大鈞宴桓遇苗公脫難誠有因鮑叔救
夷吾曠世孰爲鄰天地妙化育寧辭芻狗仁傾誠望舟
楫千載收沉淪

獄夜書愁敬呈吳少槐吏部

天帝一震怒貳負縛暝間石室梏兩足仰無日月攀我

稽潯陽囚迢迢如玉關妻女阻會面何時復生還衛水
東北流日夜恣瀟灑如何來枕上化作萬行淚申包哭
秦庭七夜救楚地掩面今三年猶爲蒿里質天命安可
知長吟慰顛顚

書柳川弟壁二首

春風昨夜來吹此庭樹綠好鳥皆芳鳴紛飛繞茅屋乘
興坐花傍一飲傾萬斛日暮倒玉山歸來卧幽獨如何
東鄰兒冶游矜華轂

衛川狹春游翩翩佳公子衣劍何照耀馳逐矜鄉里我
非揚子雲草玄常晏起坐觀桃李花秋風亦云已

送張壚山明府轉戶部五首

銅梁張仲子割雞河水濱一朝荷聖眷白壁照玄纁驚
鳳起孤嘯翻飛北天雲昭王親灑掃遲爾勒功勲

慷慨國士遇投分知己恩一語已肝膽勿頸即夷門何
云明月珠吐之隋侯軒顧茲千里去輾轉悲心魂

鬱鬱太行雲離離衛川樹啾啾玄猿啼颼颼驚鴻顧五

月搏長飈將之千里路努力黃金臺相期共天步
張公有神劒飛入延平津雄去雌空留灑血漣龍鱗天
路既云濶變化胡可親所以道傍子哽咽雙飈輪
詔出彤龍樓官辭白馬縣落花飄雲游英風緬京甸欲
射聊城書解此閩海戰去去復何言悲歌振林霰

書懷投李篁臺外博

背余江海思凌風恣天游回覽鳳凰臺薄行鸚鵡洲玩
弄潁水月吟嘯箕山秋緬想古人風飄然不可求挾劍

適燕雲裂縑游皇州昭王去不還金臺長秋草樂毅徒
空談劇辛亦枯槁痛哭九陌中迴飈起蒼昊六噫辭漢
京三山事幽討結廬大伾麓蒔花黎水陽饑殍赤城霞
渴飲華池漿舉杯酬阮籍彈琴招嵇康放浪期九垓枋
榆安足翔天造誠寥廓一夕生機槍光芒動圓象浩蕩
亂天常南箕乃長舌牽牛遂服箱寘身在昭憲夙夜守
園土剥膚咸脰蛇剗心皆劍櫓陰卧魂綈綈激視鬼偃
僂日月將焉施胡不照龔瞽父母荒殯階兒女死秋堵

嘔血徒傷心
斬衣事終古
悠悠九原思
歷亂攢肺腑
臺百世士
瀟灑落風塵
談經施絳帳
講道開河濱
有時瀉璣珠
萬斛光璘幽
鎔鑄能幾時
席上羅佳珍
貶道理凡材
褰衣訊幽谷
煙雲忽一開
婉如熙春屋
蹟面行嘆息
力疾對芳牘
覽聽殊未已
猶獲玉雙轂
強成啟口笑
無復論羞慙
感此忘形骸
片言通鈞軸
願爾垂神光
乘時慰臧跼
龍荒如有待
萬里騎驪騮

秋日奉別王元美比部詳刑還京四首

送君沙麓野延望漳水濱爾登黃金臺我棲青桂林雙
鴈起前浦雄飛雌復沉相背一何速顧念隔長雲遠眺
碣石宮巍巍紫霄岑千里益相思鬱悠傷我魂願言策
高步圖畫終麒麟

爍爍天上星皎皎巖際月蟋蟀感夜吟涼飈遲晨發山
木既云蒼江楓亦已脫遙望百里間茫茫但寥濶鴟鴞
鳴園陬虎豹步庭闕臨路別所親悵然增華髮思心獨
徬徨誰能爲解結安得瓊芳枝慰我常饑渴

清夜張宴會桃李沓衆芳微辭吐椒蘭穆如清風揚東
序理瑤瑟西清弄雕簧長歌遏流雲四座無高倡離思
動顏色杯酒空激昂悵望登高臺痛毒我肝腸

泛泛白飛鳬刷羽長河濤有如客游子辭家遠留滯衣
裳灑秋風飄搖青雲履仰視霄漢間景星何翺麗瑤光
忽若遺棄我即遠逝低頭空復憐白髮茲衰替遲君報
明主偃蹇卧松桂

奉贈李于鱗憲副之陝西三首

曠莽龍首野巒崕九峻岑應龍駕祥飈上下乘隄陰靈
威施繁榮五采絢相尋駘蕩誠足樂悵念詎能任願希
晨風羽招搖出平林凌厲赤霄間翮翮待嘯音神物固
超忽棄我長河潯

崑崙萬里高海水萬里流感此慷慨士飄飈順風游明
珠多按劒久玩知自孚蕭艾豈不芳蘭茝良見羞得志
信須臾展旆西石樓念彼席上珍硃礫行當收還節汾
晉間冠蓋前雲浮

鴻儒富華實履道固其常顏笑破秋日罄折如春陽有
時發幽微珠璣盡輝光室中列俎豆堂上羅圭璋鳴琴
一再彈清風惠時芳玄沉亮高節變化信無方瞻望濶
璇儀悲嘯愁我腸

贈子青三首

燕客懷白壁別余長河洲杳若蒼梧雲飄落南天陬三
楚彌芳甸九江接春流喟言游此地孤嘯誰能儔

贈別無淒顏臨風發長思劒解雙芙蓉上刻延平字然

喏輕一言縱橫託深意勿作羊腸悲且馳千里轡
衛川發白馬散下綠楊堤醉別關山月歌傷白苧詞樅
江猿掛影皖嶺桂橫枝定有登臨興題詩慰我思

送顧聖之游楚時余將往金陵三首

春山送行子春草惜離觴不盡孤雲意徘徊古道傍望
望荆門曉悠悠郢樹蒼此中滿高詠遲爾寄江鄉
迢迢巫山陽曾佇神女節君今過此地坐見綵雲滅歲
蕤瑶草芳窈窕翠華結爲我一致之沉念紫煙別

君作楚鄉客我爲吳會吟別離在造次杯酒更相斟鳥
逝清泥浦猿啼白石林感茲無限意引領各霑巾

宿蘇門山夜懷王龍池別駕有詩未就因追之
以此

昔登蘇門山獨發孫生嘯悵念青霞人披襟可同調落
月照林薄迴風吹海嶠相思轉陳跡俛仰憶悲眺

適金陵登魏武讀書臺奉別李覺齋丈

魏武建雄圖虎視何壯哉祗今霸氣盡空餘讀書臺登

臺覽四野蕭瑟悲風來饑鳶獵平楚寒狐鳴城隈林木
鬱蒼然煙霜日空摧咄嗟此山川千載埋雲雷我亦慷
慨人與君遠追陪酒酣拂寶劒肝膽慙然閒遙望南溟
間鯨鯢滄波頽相顧起叱嘯坐使風雲迴楊僕擁樓船
聲名冠崔嵬富貴吾自取他人徒驚猜投鞭自茲去千
里騎河魁

寓譙郡宿魏武臺下贈羅汝龍

漢帝滅金鏡靈氛黯中原山川忽破碎海水日飛翻蚩

尤拓大旗時拂紫微垣
奸雄竊神器霸王氣并吞平臺
起嶒嶸西北眺陵園千載乃丘墟
秋風散雞豚爾來值歲暮感此摧
心魂託宿茅屋下偃仰徒自論中
逢豫章客夜半延青樽酒酣起視
笑飄然虬鬚掀開口復縱橫
歷歷陳萬言宛若黃河流濟瀾決
崑崙然喏在一時逸氣驚鴻鵠遠
望江路塞蠻烽照天門誓欲指雄
劍直斬南溟鷗而我豈不能與君
同騰騫風雲苟未合且復侶獼猿
陰符掩玉匣寶劍藏寒墻拂衣一
長嘯高風振丘

樊水流還大壑日昃仍朝暎待予乘景運一灑清海渾
別李希賢

譙城冬日白渦水陰雲霏與爾經別地相看淚濕衣旅
思隨鴈盡鄉夢逆潮歸芳草他時滿令人寧久違

贈紹易殿下二首

鳳凰巢玉樹翡翠集炎洲自非鍾靈匹孰能從茲游副
君懋明德端凝無前儔動搖瑤華章光映西龍樓登高
賦蘅薄愛士開瀛洲桃李散芬芳圭璋咨皇猷佳遇良

在茲清風安可侔翩翩魏公子千載誠足羞

撫劍發孤嘯振羽翔林薄西游古鄴城僂俛興著作日
夕侍彤廬凌晨登綺閣虬顏希再覲虎變驚一愕謬承
瓊珠音恍若烟氛廓感此國士心屏營淚雙落駕言旋
故鄉因風達魚鑰

冬夜汪北津郎中過濬索詩因此贈

霜霰驚嚴夕初月照林杪鼓吹入寒城雙旌來還道清
飈何悠揚拂此幽垣草草色淒以腓澹蕩望春輝早晚

矜餘顏永承瓊樹枝聊此奉徽音庶以昭寒微

過內黃宿圓上人講堂兼呈張沅洲太守

寶樹開五葉輪風發光綺圓公棲碧巖戒得清蓮蕊
延我諸天竺說法雙樹底玄談莽浩曠恒河沙瀾瀾十年
始鏡徹澄心見秋水靜卧薜蘿寒彷徨夜中起仰視天
漢端涼月掛玉壘魂清境亦寂萬慮俱頽靡顧彼下世
士紛華競鄉里何如虎溪客妙悟叅禪理

冬日獵射畢同艾瑞泉從子擢挈酒藉草坐飲

醉後作此

寒風吹林薄，白日愴以黃。
呼鷹登高臺，走馬碓石岡。
狡兔起草間，裂腦厲秋霜。
割鮮青山隅，藉草傳羽觴。
落葉入我杯，細細波悠揚。
平楚正蕭瑟，感此情彌長。
雲中恣天驕，邊塵暗邊疆。
殺將屠我城主，辱臣未僵徒。
令哂千秋，何以慰遐荒。
合當捐微軀，雪耻左賢王。

讀史

孔明昔未遇，孑然守幽獨。
蓬蒿深沒人，高風滿山谷。
時

來乘雲龍天人播芳馥三分割梁益伯王氣始肅斯人
已云亡千秋仰光躅感此傷我懷臨風一痛哭

秋晚赴井汲水採野蔬供飯

衛霍富華屋原憲隱蓬蒿物理各有適而我甘鴻毛
霑秋欲夕疎葉鳴林臯開門忘所事瓶甕行自挑素
縵汲深寒何用扔桔槔攬衣採藜藿灑濯西城濠豈
曰薦玉盤慰此饑者勞併日偶復爾欣會忘紆陶歸
還讀我書杳然青天高俯察寒蟬吟仰視雲鴈落萬
化紛倚薄

吾生安足騷如何綺紈子失路增悲號

雙唐賈客詞

雙唐復雙唐白石何齒齒笑殺新安江水深清見底君
家住新安松蘿帶翠巒年年隨海舶歲歲客長干長干
風色苦何如向陽武袖隱博浪錘權輕萬乘主胡商自
古雄多在塵埃中使君儻未信請看陶朱公

贈董明府迎侍四首

皇阪多麟趾天池必龍翔明宰乘兩鳧列宿動精光閉

閣鳴絃琴沉思遠高堂嗷嗷林鳥悲悠悠風木蒼撫枕
夜五起慕愛結衷腸詎言何從事白首食黃糧

昊天列光景清輝緬赤縣少微垂高雲婆彩明河甸眇
眇寰宇間習習祥風煽茲匪巨孝蒸孰能撥靈變回頭
語中州大養非珍饌持此金石開會膺紫泥眷

鬱鬱山上雲油油礪中薇慨彼寸草莖宛映三春暉仕
漢信亮節游楚傷方徽物理尚可鑒遠邇相因依陟岵
揚哀音白華播芳輝藉以準時哲千載將同歸

昔聞荀太尉白髮能孝養英風邈海隅至今復清響鳳
嘯必倚梧麟游非草莽託跡豈不然寄心且遠傲合符
一術間總轡萬事長所以不匱姿垂聲得淑儻

喜艾子紹二子作此

天馬來何處本自濯龍媒蹠蹠關山道黃雲萬里開歲
晚將名駒矯矯非凡材長鳴噴綠雪啣膝眠紫苔神駿
一何爾倏忽遺纖埃異時獨不見飛上昭王臺

題王龍池彭錢圖魚壽其嶽東谷

安期留玉舄王喬御飛鴻壽命偕元始精神茂華嵩展
玩瀟湘幅愛茲方瞳翁焚香紫苔石揮手白雲空六龍
且按轡乘汝游無窮君家泰華老意氣與此同身騎綺
鳳凰飛出秦王宮三月初度時簫鼓迴層穹環珮出洞
房清切鳴玲瓏既稱瑤池飲亦薦蟠冢熊佳哉良宴會
千歲成始終持此丈人意遠謝石樓東

寓目水石藤樹人物

青天出片石古木垂寒藤下有太古士姓字不可稱暝

坐游九垓元氣隨所乘恐是無懷民縣車避朝徵人生
苦勞役視此將無懲方爲槍榆鷄何羨天池鵬

陪成臯王太虛觀齋居感鶴至

夏后騎兩龍上下扶桑津青陽登帝臺俛仰觴百神張
樂豈洞庭感召即精裡玄鶴西南來盤舞紫霞宸清響
落雲間指顧環河濱重華未云邈大孝方此倫

鄴下贈吳山人聞官軍與倭戰不利

慷慨燕市歌蕭蕭易水風至今多感激常摧壯士衷鄴

中逢吾子正值風塵裡
劒歌爲爾開一語肝膽是西北
戎馬喧東南海水翻爾我俱草莽
誰能期報恩白馬河
上馳翩翩欲何爲三軍氣已死
主將無復知君有魯連
箭赤羽不肯見請爲約矢書一解
聊城戰

送吳東原還蘇門

少年負意氣客游長千里
八月秋風高揚帆下江水江
水復悠悠送君臨清州
臨清花月好錦障帶珠樓
誰家妖冶女彈箏日歌舞
忘却湖南商無復相思苦
相思能

幾時還家定有期庭前芳桂樹攀取最長枝隣兒問野
叟椎牛勸美酒夜深起相視君鬚近長否輾轉東原游
思君不可求魂夢一見之多在石湖頭

重寄內二首

青山橫東郭白水流城西欲濟微舟楫緬眺少丹梯唯
當見明月相思俱沉迷此時遙相望知汝流玉啼浮塵
暗芳鑑蛛網生蘭閨一身在量爵八翼垂沙泥汝非蔡
琰人長跪解羈縻棲好爲小兒女傾心聽天題白日有返

光出雲還舊谿會面秋風前勿作頻酸嘶

天運無停機陰陽多反復起家藉儒術願汝佇金室詎
云懼羅網鸞鳳各離羣鹿門邈難嗣舉案徒空聞羅帳
歇春風玉砌生芳草覩此傷朱顏誰云未成老重闔不
相見無柰別離心精神非間隔何啻結重衾作書謝美
人淚濕瑤華字青鳥一致之爲予問顯賴

七言古詩

奉答楊六坡推府隱居見贈

并序

余讀書浮丘山性癖山水負烟霞之疾嘗披覽匡
廬圖跡巘嶢之盛侈有飛志遐思飄然如在五老
峰下雲蘿翠壁掩翳錯疊左右外視形骸不知我
爲何如人遽遽然也因慨然太息天下高明之士
何限物相羈轡其誰相與放浪天地之外眇萬物
俯八極瞬息古今包含宇宙也哉嘉靖乙未固原
楊六坡以大名推府謝政卜居浮丘之樊治亭榭
花竹水石與壻人相還余每過之便有高興佳作

自謂匡廬之志雖未即遂而談玄吊隱亦足以渝
洩一二盖吾人胸中自有山水何必攀蒙茸躡巉
巖而後爲高致哉辱六坡草堂詩見贈遂援筆奉
答聊著雅尚若木瓜瓊瑶之報正不必論爾

我昔住青都玉樓揚紫氛靈妃散天花把弄坐層雲肌
膚瑩瑩婉冰雪孤嘯常隨鸞鳳羣閭闔長辭九萬里帝
樂仙音那可聞失意山中尋瑤草白雲引入天台道桃
花流水非人間碧椀彫胡待終老遙望匡廬歎九天屏

風九疊石磴旋香爐返照赤霞晚雙劍迴空白日縣雲
霾四塞龍虎睡嵯峨一逕猿猱前陶公鍊液呵赤電李
重還車躡紫煙長揖謝世恣同往綠髮方瞳列上仙青
谿卧聽松風歇起向山中弄明月獨立蒼茫望九州漠
漠黃塵毀金骨聞君獻賦長楊宮飛章絡繹四海雄光
輝燦爛動明主天書降問恩隆崇風塵佗僚解圭組歸
去滄浪作釣翁結廬小傍浮丘麓幽洞巉巖蒼翠簇清
風臺倚金露寒白石橋連水清泚當堦竹引鳳凰毛背

戶青松走麋鹿婉如匡廬落我前便欲因之借休沐夫
子值此格氣豪秋來興與南山高寄我五花雲錦字讀
之飄然若雲翺自慚才非盧照隣敢與楊炯爲伍曹楊
盧千載各一時異代風流如有期爲君倒囊彈素琴清
商繚繞陽春辭歌罷拂衣五陵去明月青山湘水湄

秋夜望雲旅懷

秋來五色雲在眼浮花蔓草相鮮新天空似是巫山繞
日暮更與銀河臨凭欄久望待不至倏忽變化蒼麒麟

衛川冥冥在何許我意乘此尋歸津終然翻飛不可去
棄我還從銅馬塵

贈別李性菴還任丘

燕郊十月飛繁霜臨岐送子各盡觴腰間笑解延陵劍
雪花墮地蛟龍翔都門佳期那可顧相思開遍三花樹
歸時倘遇浮丘公爲予接引嵩高去

送崔秀才南還

孟冬送客臨沙浦蕭蕭風動薊門樹驂騑銜轡不肯行

一鶚南飛過天柱燕臺擊筑且高歌清罇酒盡紅顏酡
五更鼓角星野平看汝騎驄凌天河

長歌送王翰林盱山還保定

國門識君與君遇夢游十度攀花樹朝牽李憑彈琵琶
暮宿倡樓聞曲度燕臺草色送春袍小苑花枝轉葡萄
柳色偏濃金殿露鶯聲醉殺後宮桃白馬翩翩過戚里
笑指落花雙燕起遨遊不數新豐兒調笑寧知太宰誣
別去開罇重酒籌春詞樂府倍堪愁白雲自散蒼梧影

明月常懸彩鳳樓

贈別南田楊子還晉石

并序

十五年余游京師馳翰苑獵文囿延師士之肆游
輒冀野窮覽燕墟曰壯哉帝王之居也迺攬轡西
市遇晉石楊子景新與之論皇帝王霸之要雄姿
風發鼓劍悲歌慷慨泣數行下於戲士之負傑烈
不羈之性曠世相感一至於此哉今年秋楊子還
晉石因作詩識別

我本衛川豪君作燕城客意氣各千里相逢在燕陌燕
城燕陌跨京華青煙作帳銀爲沙五侯龍馬擢金鞭蒼
螭寶帶屈盤拏層城日出歌鐘起繡戶珠箔幌羅綺遙
憶夔龍集鳳池亦知衛霍矜戚里笑倚青萍劒耻上黃
金臺昭王非帝胄樂毅自几材燕丹空有心荆卿徒悲
哀白虹沒長雲易水不能迴瑤華翠葆浮雲沒錦石雕
甍秋後伐古人已見覆蒼苔今人空對西山月西山月
出宮殿寒坐愁白髮驚飛湍風雲萬里不相待白義垂

耳蛟龍蟠雞鳴開九關天狼若可攀勢欲請長纓遙繫
燕然山長纓繫就心不朽君去青山但揮手落日天風
吹海波月明來勸一盃酒酒中慷慨樂事無據地酣歌
玉唾壺晉石山川爲君迓千巖萬壑來長途往日春光
懷我處奇花不盡相思樹葡萄露下餘空醅終日待君
那能顧滄洲今已暮瑤草不知路欲乘黃鶴一問之爲
予淨掃南田霧

留別馮少洲進士

春風吹綠雪湖水微波與君上河梁攜手哀情多此
時客意難舉觴道傍楊柳鬱金黃欲折一枝留郢客柔
絲冉冉斷君腸斷君腸勞君顧離思眇眇青山暮青山
暮今傷我心我車南還執子衿贈爾媿無英瓊瑤倚馬
聊爲梁父吟

送友人南還

鳳凰樓外雲氣長青袍白馬生輝光送君千里促羽觴
鳴箏清歌如故鄉相思明日忽分手誰把青驄繫綠楊

送人之塞上

北風瑟瑟宛馬鳴君今棄我何遠行陰山雪花大如掌
黃雲出沒單于營萬里龍沙那可見將軍大小七十戰
捷書奏入建章宮寄我雲中一隻箭

贈孟龍川二首

李希竟何罪緝捕搆千金介身胡越間南北任淪沉託
跡魯朱家髡鉗奴僕心英風豈不特所懼禍患侵主人
誠多賢脫難青萍鐔權門一命輕鴻毛三士殺之費二

桃虎畧詎能讐國難龍泉一日成鉛刀人心如風波凌
徑眇難度適此血玄黃雲雷何霸迂思君若饑渴引領
望瓊樹瓊樹瓊花別有天迴風吹雪繞龍川相思遙寄
藤蘿月洗濯輝光待我還

又

白龍魚服游滄海豫且鳴絃不相待洪濤一悞失精靈
耐可乘空訴真宰海水東流渤澥深風雲漠漠杳難尋
憑誰借與升斗水飛上青天作帝霖

五哀詩五首有序

學士抱藝博綜典訓效業而弗鳩建辭而弗賓父
殯母隕未就窀穸之事室饑而病二子交喪而不
獲永訣待死圜室哀孰加焉遂作五哀詩其辭曰
有父有父濯塵纓棲栖遠在滄浪溟樵蘇不避芸且耕
春泥秋雨淇門中泰山嶢嶢忽顛墮怒豕舂熊立向我
蓬蒿一望盡烽煙高樓踈血宵滂沱嗚乎一哀兮歌始
發青天黥黥沉明月

又

有母有母思晨軒蕙帷縞帳泣且漣蒼梧眇在白雲間
臨江哀竹心悽然慈闈一夕歸明月怨恨千秋那可歇
何言寸草報春輝號涕苦廬毀筋骨嗚乎再哀兮歌已
烈皇天爲我開金石

又

有室有室在衛塢蓬髮連蜷守空堵決晨不爨井泉苦
布衾如鐵冷秋雨高堂灑掃之魂摧金華翠鈿空塵埃

良人欲委長城窟此身早晚隨寒灰鳴乎三哀兮歌彌
長寒風四起激清商

又

有子有子驕且冲兩兒如玉垂瓊英花翻蛺蝶紈綺叢
意態婉婉雙冥鴻阿爺銜冤在網柵汝心長望成永隔
桑樹那忘白玉環夢魂哭汝東山陌嗚乎四哀兮歌正
苦回飈蕭颯吹庭樹

又

有客有客號秋旻十年不得逢陽春柴門反鎖黎水濱
前朝屈宋寔所親皂棧連翩淹驥足出門十步九羈束
燕郊六月飛胡霜漢史終然恐失續嗚乎五哀兮歌聲
哀長江東逝流酸斯

保定兒留別

沙麓風塵暗河縣漳水東流疾於箭落花別圃誰可憐
南去北來一秋燕汝曹自是中山兒垂首天雄識君面
意氣相期何有無分手一言淚如綫亦山巉坼秋氣高

似與君情同繾綣
春明發騎馬涉潯河
長歌遠贈北門錢

春日後贈王任菴五湖昆季

春日澹靄西日微
浮雲流水爭光輝
一雙白壁動燕趙
光搖海宇青煙霏
早聞妙譽今見之
酒酣大叫心思飛
幾時攜汝尋滄海
明月秋風一釣磯

七夕

銀闕含秋星欲爛
天孫脉脉渡河漢
仙鬟玉珮那可聞
佳人夜半閒簾看
階前月色疑有霜
獨坐穿針向畫廊

東方日出烏鵲曉天上人間枉斷腸

送醫還山

洛陽買畚逐世貧金華藏名四十春歸來浮雲變城郭
矯首落花輕拂巾堂中會飲還賓友低戶雲光散樽酒
斲乘白鶴謝時人會向山頭一揮手

九日寄孟龍川

憶昔登嘯臺蕭瑟湖海秋酒酣迴舞袖拂落桑柘洲青
雲動蟹螯白雪霏金甌兩邊坐笑如花妓吳趨白紵飛

清謳戢翮入牢籠忘却山陽道菊花爲誰開沉憂日衰
老此日長吟獨憶君巉巖歆掩浮雲何處龍山堪落
帽風流醉殺孟叅軍欲託雙鯉魚錦字寄滄溟願君細
嚼茱萸菰葢壽比南山千萬齡

寄謝逸人四溟二首

漢京詞賦多風雅前擁鄒生後枚馬四溟旅人興最豪
馮軒落筆長河瀉醉中一別十經秋落葉翩翩嘆白頭
思君恨無黃鵠羽涕泗遙瞻滄海樓

又

海水飛動凌三山巨鼇出沒流其間人生風波有如此
颯颯秋風凋玉顏魯連自是紫烟客個儻長揖二千石
一朝談笑解聊城東入海溟眇無跡

寄汪員外南華

海若東游沒海濱白魚況非白龍鱗豫且鳴絃偶相值
卧看鬢鬣飛黃塵謝君瀉與天河水乘之免作涸轍鯉
他時雲霧或晦冥海底銜珠報知己

襄國飲鴛水野亭奉懷張壚山明府

秋盡野亭鴛水陰
平沙落日青楓林
寒花爛熳不自愛
霜風一墮柴門深
我來對此沉吟久
況是壚山別離後
何處浮雲晚未還
散愁且醉襄城酒

贈李山人

朝登崑崙丘遙望煙雲海
三山徒渺茫六鼇今安在
昔時中山衛叔卿身騎白鹿游紫清
仙人一去不復返霄漢
空縣千載名白日無回輪
紅顏易頹老何如恣天游

山川事幽討萬里擔簦尋冥髮煙水漫漫幾超忽乘時
小憇蒼梧雲因風復弄蛾眉月蛾眉月出照海湄夢裏
猶聞猿鶴悲傍人不識君所爲白馬青袍一笑之君胡
不解清溪囊示以滄鏘五嶽辭

贈張長公鳬墩五句四韻

長公割股愈父疾

蜀山萬里青雲迴鳬墩縹緲超浮埃霜刀一拂金石開
清風獵獵不可見憑高西望神魂摧

再贈張雲谷

僕素聞雲谷自旅次與之靡談遂神醉婉若登羅
浮涉洞庭泛彭蠡尋孟門雲霞靄映風思飄然蓋
奇遇也已同謝四溟田莘野約爲小律今不暇待
先作此見情云爾

昔聞金陵地乃是帝王州冠蓋六朝賢名與青雲浮往
事千年不可道別苑離離長秋草酒中慨此復霑襟落
日翩翻送飛鳥今時再見金陵豪白疊小側薜荔袍凌
風起舞鄴城月長呼興比南山高四溟情同五嶽雲莘

野調流三峽濤雲谷此時發意新開卷調笑如有神萬
里煙霞起胸臆驚翻白鵲翔麒麟飲我催詩酒倒却頭
上巾君身孰與儔似是洪厓隣早晚笑攜盧敖去坐看
滄海成埃塵

登西城嘉禾樓重送張嶺山赴部

高樓西望紫空煙南風渺渺次河船碧沙細草遠相送
一夜飛過黎陽川驚魂如縷隨君還恨無雙翼凌青天
魏闕霾陰雷隱怒灞水橫波不可渡此時揮手重堪悲

千里相逢未有期
燕臺倘值悲歌飲
擊筑先尋高漸離
送李滄溟太守入覲

襄城太守濟南客
夜發雙旌搖海月
城頭箕尾超天河
城外征人吹曙笛
父老扶杖前致辭
太守此去人皆知
內史親傳大官饌
野人共拜甘棠祠
黃霸功名何足數
公車詔入鳳凰池

送陸明府夢洲入覲

爾時登眺黎陽山
松門蘿徑窮追攀
昨夢巖花散幽色

髣髴百里開心顏覺來欲往無時間思君玩弄雙瓊環
天寒日暮愁蹇產漳水橫波龍轉眼浮雲北向徂高旌
海嶽驚看在此行異日層霄不可望好將書寄鳳凰城

雪霽後過周紫泉山堂

紫泉山堂在何許衛溪東岸蒼山麓青松偃蹇雪意寒
孤光晚映琅玕竹紫泉調笑宛在目亂雲竒怪相縈觸
我欲於此傾醺醑開襟醉卧青山屋絕境幽林不可留
野狐夜叫猿嘯秋別去長懷紫泉客滿林楓葉吟颼颼

詔獄結後書情敬呈王龍池二府魚致謝意

蓬萊出海底金銀樓闕浮空烟蓬萊仙人與我語授之
赤明玉字瑤華篇長跪讀玉字五內發金蓮欲持紫腦
訣常從上清仙上清一去無窮已回飈吹落長河汜晚
將辭賦上燕京遂使明時笑巴里北闕風雲不可期歸
來小卧青山垂竒峰秀壑常相隨千巖度盡松風吹馮
高把酒呌明月桂魄蟾影皆參差醉尋劉伶頌醒詠阮
公詩泰山雷霆何足有淥水洪波可戲之烈烈雲間鵠

脩脩蓬下鷄何意見相猜罹此血吻患羽毛灑平蕪骨
肉不敢盼園牆一去幾時回桃花坐見十三開青春憶
月秦人洞白日呼霜夏后臺我欲乘風震天鼓前搞脩
蛇後狹猱九江濤湧未是哀太行輸摧不言苦東海陸
公真神明決垣掎鎖勢長纓古泉楊馬連章八制可始
放南山耕生來感此國士遇何限千秋萬古情入門一
笑復何有女會縫裳妻白首竈下尺薪貴於玉盤中粒
粟皆瓊玖惟有牀頭劒鋒在夜夜精光射牛斗射牛斗

待張華神物詎肯終泥沙不然飛入延平津今者蛟龍
昔鏐鄒鏐鄒蛟龍孰可判明公義氣通霄漢爾時我爲
入幕賓贈之豈惟青玉案霞杯綺食飽我心至今側身
倚增嘆東風嫋嫋沙草春衛河綠水波龍鱗欲將輕棹
尋仙館其柰楊花滿河瀕楊花不可亂河瀕不可極待
余攝衣起舞龍門前坐客滿堂驚太息

羸女鳳圖

秦臺明月下照見垂鸞女玉簫聲不聞絨情空復許相

思何處憶離羣欲報佳期隔綵雲懷中知有瓊華字夜
夜清光獨映君

送郭侍御劍泉謫永安松栢圖

蒼巖鬱鬱長松樹石甲龍鱗挺天霧雨澁霜洗幾百秋
似與君心同歲暮君今謫宦永安城閩海愁雲日夜生
會待明時宣室詔定從江浦望雙旌


春夜與吳山人飲穆前江宅招妓彈琵琶不至
我昔弄月沅湘浦靈妃飄風鬼灑雨遙看江上數峰青

寶瑟如聞心更苦春風小落前江家高開玉燭燒殘花
青蛾何處不相待北堂一曲空琵琶琵琶聲已歇空餘
胡地月黃雲塞前水北流霜風夜嘯猿沉秋古來蟬鬢
已寂寞何令此夕獨生愁不如與君飲美酒披襟一笑
輕王侯

贈陸夢洲古琴兼以詩寄

朝讀夢洲書暮望夢洲樹思君不見君徒向夢中遇遺
之綠綺琴不語可知心早晚弄金徽爲宣白雲音白雪

陽春古所稀
自憐素髮老
柴扉乘風寄
語豐城劍
看爾
輝光徹太微



蟻蒙集卷四